

Inngangur

Leiðbeiningarnar eru til stuðnings vinnulýsingu um rekstur landamæraeftirlitsstöðva (hér eftir nefnt landamæraastöðvar) (**VLY-086**). Leiðbeiningarnar segja til um staðsetningu og kröfur til aðstöðu og umgengni á skoðunarstöðvum á landamærum vegna innflutnings dýraafurða.

Á skoðunarstöð á landamærum verður að vera öll aðstaða til að leggja fram eftirlitskyldar afurðir frá þriðju ríkjum fyrir innflutning til EES svæðisins (ESB og EFTA ríki) og framfylgja tilskilinni sannprófun skjala, sannprófun auðkenna og eftirliti með ástandi.

Aðstaðan á viðurkenndum skoðunarstöðvum á landamærum verður að vera í samræmi við þær kröfur sem settar eru fram í ákvörðun 2019/1014/EB (ísl. reglugerð nr. [375/2020](#)). Þar eru talin upp skilyrði fyrir viðurkenningu skoðunarstöðva á landamærum hvað varðar byggingar, tæknibúnað, starfsmannahald, upplýsingaskjöl, skrár og tilhögun eftirlits.

Staðsetning og rekstur

Landamæraeftirlitsstöðvar á Íslandi eru 5 (tafla 1). Umsjón með rekstri landamæraastöðva er í höndum inn- og útflutningsdeildar Matvælastofnunar í Hafnarfirði og þar eru staðsettir eftirlitsmenn sem annast eftirlit á öllum landamæraastöðvum.

Tafla 1. Íslenskar landamæraastöðvar, staðsetning þeirra, TRACES númer, gerð og leyfi fyrir afurðir og dýr.

Landamæraeftirlitsstöð		TRACES númer	Leyfi	Geymsluskiyrði afurða (Hitastig/ pökkun)
Reykjavík, Eimskip		IS REY 1a	Allar afurðir til manneldis	Allt / pakkað
			Allar afurðir ekki til manneldis	Allt/ pakkað
Reykjavík, Samskip		IS REY 1b	Allar afurðir til manneldis	Allt / pakkað
			Allar afurðir ekki til manneldis	Allt / pakkað
Hafnarfjörður		IS HAF 1	Fiskafurðir til manneldis	Allt/ pakkað
			Fiskimjöl/ lýsi ekki til manneldis	Umhverfishiti/ pakkað
Keflavíkurflugvöllur		IS KEF 4	Allar afurðir til manneldis	Allt/ pakkað
			Allar afurðir ekki til manneldis	Allt/ pakkað
			Lifandi fiskeldisdýr	Allt
Þorlákshöfn		IS THH 1	Fiskafurðir til manneldis	Frosið/ pakkað
			Lýsi til manneldis	Umhverfishiti/ pakkað
			Lýsi ekki til manneldis	Umhverfishiti/ pakkað

Heimild: EFTA Surveillance Authority Delegated Decision 008/19/COL of 6 February 2019.

Heilbrigðissskoðun þarf að fara fram á landamæraastöð (BCP) á vörum frá 3ju ríkjum, áður en CHED er gefið út (Common Health Entry Document), (í það minnsta skjalaskoðun í tilfelli CHED-D). Tollaþgreiðsla á POAO vörum (dýraafurðir) getur ekki átt sér stað fyrr en vara hefur verið skoðuð á landamæraastöð (BCP).

Eftir skoðun á BCP og að uppfylltum innflutningsskilyrðum er CHED gefið út (staðfest). Sé varan tollafgreidd er hún komin í frjálst flæði.

Smitvarnarráðstafanir á landamærastöðvum

Umgengni - þrif – förgun úrgangur - Meindýravarnir

Almenn umgengni:

- Neysla sælgætis (tyggigúmmís), matar og/eða drykkjar má aðeins fara fram á kaffistofu.
- Allt gler, svo sem flöskur, glös eða aðrir hlutir úr gleri er bannað innan landamærastöðvar.
- Öll notkun tóbaks er bönnuð innandyrá, svo og geymsla slíkra hluta í vinnufatnaði.
- Starfsmenn mega ekki bera skartgrip, úr eða nælur. Leyfilegt er þó að nota einfalda giftingarhringi.
- Óheimilt er að nota naglalakk, ilmvötn og ilmefni.
- Ávallt skal ganga frá öllum áhöldum á sinn stað að lokinni notkun og þrifum.
- Engin óþarfa áhöld eða búnaður á að vera á vinnslusvæðum eða í þjónusturými.

Við komu inn á landamæraeftirlitsstöð skal:

- Geyma útifatnað í forstofu.
- Klæðast skóhlífum í skoðunarherbergi.
- Þvo hendur með sápu og vatni. Þerra með pappírspurrku og sóttreinsa hendur.
- Fara í slöpp og setja upp hánet.

Hlífðarfatnaður

- Starfsmenn skulu klæðast hreinum, ljósum slöppum.
- Hánet þarf að hylja hárið algerlega.
- Nota skal stígvél sem eingöngu eru til notkunar á vinnusvæði landamæraeftirlitsstöðvar eða skóhlífar sem skal henda eftir notkun.
- Einnota hönskum og svuntum skal hent eftir notkun.

Vinnuhlé og persónulegt hreinlæti starfsfólks

- Einnota svuntum og hönskum skal henda.
- Fara skal úr hlífðarfatnaði í skiptiherbergi. Aldrei má skilja hlífðarfatnað eftir á stólbökum eða borðum.
- Að lokinni salernisnotkun skal sápuþvo hendur og sóttreinsa.
- Aldrei skal hósta eða hnerra yfir matvæli.
- Ef óhreinn flötur er snertur með höndum skulu hendur þvegnar og sóttreinsaðar áður en matvæli eru snert.

Þrif

- Að loknum vinnudegi skal þrifa vinnusvæði skv. þrifaáætlun (**LBE-082**) og eftir atvikum, fylla út eyðublað með staðfestingu á þrifum (**EBL-076**). Mikilvægt er að þrifa sérstaklega og sóttreinsa samkvæmt hreinlætisáætlun milli mismunandi afurðaflokka af dýraafurðum, sem og milli afurða sem eru til mannelis og þeirra sem eru ekki til mannelis.
- Þrifa skal hlífðarfatnað.
- Hefðbundnar ræstingar eru á vegum leigusala. Ræstiáætlanir þjónustuaðila má finna í möppu á U-drifi (Þrif og meindýravarnir) undir viðeigandi landamærastöð.
- Slóðin er: U:\A_Landamæraeftirlit\BCP-EFTIRLIT\Landamarastodvar

Förgun á sorpi

- Ræstifyrirtæki sjá um að tæma ruslafötur og farga í samræmi við ræstiaætlun (tæmdar a.m.k einu sinni í viku).
- Lífrænum úrgangi er fargað í lok hvers vinnudags. Gæta skal að mögulegri krossmengun.
- Förgun vöru er samkvæmt VLY-039 um höfnun vöru.

Meindýravarnir

- Meindýraeftirlit er á vegum leigusala en því er úthýst til sérhæfðra þjónustuaðila.
- Verklýsingar er að finna í möppu á U-drifi (Þrif og meindýravarnir) undir viðeigandi landamærastöð. Slóðin er: U:\A_Landamaraeftirlit\BCP-EFTIRLIT\Landamarastodvar

Viðbragðsáætlun - Viðbrögð við ófyrirséðum atburðum:

Fjarvera starfsfólks – Krossþjálfun starfsfólks:

- Starfsmenn sem sinna málaflokknum skulu hafa grunnþekkingu á hlutverkum og skyldum hvers annars, til að geta sinnt verkefnum í afleysingum. Sjá nánar í kaflanum: „Þjálfun og símenntun starfsmanna landamærastöðva“.
- Starfsmenn skulu þekkja helstu skráningar og upplýsingakerfi MAST og viðeigandi verklagsreglur sem lúta að landamæraeftirliti.
- Staðgengill er eftir atvikum tilnefndur í fjarveru deildarstjóra inn- og útflutningsdeildar. Deildarstjóri leitar til mannauðsstjóra MAST þegar manna þarf tímabundin störf.

Tæknibilanir og aðgangur að landamærastöð:

- Upplýsingatæknideild MAST (UT og rekstur) veitir tölvutengda aðstoð.
- Fjaraðstoð: Utanaðkomandi rekstaraðili veitir tækniáðstoð eftir þörfum. (TRS s: 480-3300 / hjalp@trs.is)
- Verkefnastjóri rekstrar- og þjónustu veitir aðstoð vegna bilana í skjala- og málkerfi - ONE System.
- Aðgangur: Ef aðgangskort virka ekki skal hafa samband við leigusala.

Tímabundin skortur á aðgengi að þjónust rannsóknarstofu

- Liggi rannsóknarþjónustan hjá MATÍS niðri, er hægt að hafa samband við Rannsóknarþjónustu Sýni ehf., eða senda sýni á rannsóknarstofu erlendis (t.d. í gegnum MATÍS).
- Eftir atvikum, skulu óskoðaðar vörur tímabundið geymdar í viðeigandi kæli- og frystiskápum /rýmum.

Þrif á neyðartímum

- Ef þrifþjónusta liggur tímabundið niðri, skulu starfsmenn MAST sjá um þrif á landamærastöð í samræmi við þrifaáætlun (LBE-080).

Öryggisráðstafanir til að fyrirbyggja útbreiðslu sjúkdóma.

- Starfsfólk skal vera meðvitað um viðeigandi smitvarnarráðstafanir.
- Lítil hættu er á atvikum sem leitt geta til útbreiðslu sjúkdóma, á landamærastöðvum sem höndla eingöngu með pakkaðar vörur.
- Ef upp koma tilvik sem leitt geta til útbreiðslu sjúkdóma skal strax hafa samband við yfirmann /deildastjóra um fyrirbyggjandi ráðstafanir og hvort virkja þurfi neyðarviðbragðsáætlanir.

- Eftir atvikum má leita til viðbragðsteymis MAST sem samanstendur af hópi starfsmanna sem fengið hafa alhliða þjálfun til að takast á við atvik sem leitt geta til útbreiðslu óvæntra sjúkdóma.
- Gæta skal fyllstu varúðar við meðhöndlun á vörum sem hugsanlega eru sýktar. Koma skal vörum fyrir á viðeigandi stað þar, sjá nánar í kaflanum "Geymslur fyrir frábrigðavörur á landamærastöðvum". Þar sem við á skulu sendingar vera einangraðar eða settar í sóttkví þar til niðurstaða opinbers eftirlits liggur fyrir. Tilkynna þarf atvikið og ákvörðun MAST um aukið eftirlit í gegnum IMSOC.
- Sóttkvíaraðstaða: Meta þarf hvort koma þurfi á sóttkví-aðstöðu á BCP til að einangra og fylgjast vörum sem grunaðir eru um að bera smitsjúkdóma. Tryggja að aðstaða fyrir sóttkví uppfylli nauðsynlega staðla um smitvarnir.
- Tilkynna skal um atvik vegna óheilnæmra vara eða vara sem hugsanlega bera smit í innflutningi, í gegnum samevrópska tilkynningakerfið IMSOC / RASFF.
- Bera þarf kennsl á hugsanlega smithættu á landamærastöðvum. Þegar greiningar á innflutningi standa yfir við gerð sýnatökuáætlunar, skal leggja mat á magn og tegund innfluttra afurða m.t.t. áhættu fyrir heilsu manna, dýra og umhverfis. Einnig skal skoða hvaðan vörurnar koma m.t.t. sjúkdómastöðu í viðkomandi landi.
- Að örðu leyti skal fylgja verklagi samkvæmt vinnulýsingu VLY-039 um höfnun vöru.

Skyndileg lokun landamærastöðva

- Huga að viðeigandi ráðstöfun og geymslu á vörum á meðan lokun stendur yfir í samráði við leigusala.

Geymslur

Geymslur á landamærastöð skulu vera auðsýnilega merktar m.t.t. þess hvort þær eru fyrir manneldisvöru (HC) eða vöru ekki til manneldis (NHC). Gæta skal sérstaklega að því að setja aldrei saman í geymslu vöru sem er til manneldis og vöru sem er ekki til manneldis.

Geymslur fyrir ótollafgreidda vöru

Eftirlitsskyldar afurðir sem fluttar eru inn frá 3ju ríkjum skulu geymdar á afmörkuðu svæði þar til CHED hefur verið gefið út.

Engin tollvörugeymsla, tollfrjálst vöruhús eða tollfrjálst svæði er samþykkt hérlendis samkvæmt 23. gr. reglugerðar ([ESB](#)) 2129/2019 (íslensk reglugerð [nr. 487/2020](#)) til geymslu á ósamþykktum dýraafurðum.

Listi yfir aðrar geymslur ótollafgreiddra vara er birtur hér:

<https://www.skatturinn.is/atvinnurekstur/tollamal/tolleftirlit/geymslur/>

Listinn er uppfærður eftir því sem nýjar geymslur bætast við/hætta rekstri.

Sjá einnig undir: [U:\A_Landamæraeftirlit\BIP-EFTIRLIT\Safnmappa\5- Geymslur](#)

Geymslur fyrir ótollafgreiddar vörur í tengslum við landamæraeftirlitsstöðvar skulu vera samþykktar af íslenskum stjórnvöldum og hafa íslenskt samþykkisnúmer (Tafla 2).

Tafla 2. Staðsetning og samþykkisnúmer frystigeymsla við landamæraeftirlitsstöðvar.

Landamæraeftirlitsstöð			Frystigeymsla	
Landamæraeftirlitsstöð	Heimilisfang	TRACES nr.	Nafn og heimilisfang	Samþykkis nr.
Hafnarfjörður	Óseyrarbraut 220 Hafnarfirði	IS HAF 1	Fjarðarfrost, Óseyrarbraut 14	A423
Keflavík Airport	235 Keflavíkurlugvöllur	IS KEF 4	Flugþjónustan Kef. ehf. Keflavíkurlugvöllur	A426
Reykjavík (Eimskip)	Sundafrost, Klettagörðum 103 Reykjavík	IS REY 1a	Sundafrost Sundahöfn	A640
Reykjavík (Samskip)	Ísheimar, Kjalarvogi 7-15 104 Reykjavík	IS REY 1b	Samskip hf (Holtabakka) Kjalarvogur	A602
Þorlákshöfn	Hafnarskeiði 12 815 Þorlákshöfn	IS THH 1	Ísfélag Þorlákshafnar hf. Hafnarskeiði 12	A508

Geymslur fyrir frábrigðavörur á landamæraeftirlitsstöð

Eftirlitsskyldar afurðir sem ekki uppfylla kröfur um innflutning þarf að meðhöndla sem frábrigðavöru og setja í vörslu. Vöruna þarf að geyma við stýrð hitaskilyrði í geymslu á landamæraeftirlitsstöð. Ef um stóra sendingu er að ræða skal geyma frábrigðavöruna í læstri og afmarkaðri geymslu viðskiptaaðila í tengslum við landamæraastöð (tafla 2).

Aldrei má setja saman í geymslu vöru sem er til manneldis (HC) og vöru sem ekki er til manneldis (NHC).

Mikilvægt er að fylgjast með hitastigi geymslunnar á geymslutíma vörunnar. Í þeim tilfellum þar sem ekki er um sjálfvirka skráningu hitastigs að ræða, skal skrá hitastig a.m.k. tvisvar á dag á hitaskráningareyðublað (**EBL-046**).

Þjálfun og símenntun starfsmanna á landamæraeftirlitsstöðvum

Þjálfun starfsmanna miðar af því að gera starfsfólki kleift að takast á við verkefni landamæraastöðva á skilvirkan hátt. Matvælastofnun ber að sýna fram á hæfni starfsmanna sem vinna við innflutningseftirlit á landamæraeftirlitsstöðvum. Í byrjun árs gerir deildarstjóri inn- og útflutningsdeildar áætlun um þjálfun starfsmanna.

Haldið er utan um þjálfun starfsmanna í hæfnisstjórnunarkerfinu CCQ. Þar er skráð öll þjálfun sem farið hefur fram af hálfu MAST og einnig starfsmenntun utan stofnunarinnar. Starfsþjálfun sérfræðinga á sviði inn- og útflutnings er í samræmi við þjálfunaráætlun MAST (LBE-198) og tekur mið af reglugerð 508/2020 (EB 2019/1081).

Eyðublöð fyrir þjálfun starfsmanna má finna undir: S:\ÞJÁLFUN STARFSMANNNA\Inn- og útflutningur\Fagþjálfun - Eyðublöð

Eldri gögn um þjálfunaráætlun og skráningu á símenntun starfsmanna landamæraeftirlitsstöðva má finna undir má finna á U:\A_Landamæraeftirlit\BIP-EFTIRLIT\Skilvirkni_opinbers_eftirlits\4_Starfsfólk\

Reglulegt viðhald á upplýsingum fyrir starfsmenn landamæraeftirlitsstöðva

Matvælastofnun ber að sýna fram á að nýjar upplýsingar varðandi landamæraeftirlit berist til starfsmanna landamæraeftirlitsstöðva. Fagsviðsstjóri heldur utan um nauðsynlegar upplýsingar og færir

inn nýjar tilkynningar í Excel-skjal: „BIP_eftirlitsupplýsingar.xlsx“ undir: U:\A_Landamæraeftirlit\BIP-EFTIRLIT

Sami starfsmaður sér um að senda starfsmönnum landamæraastöðva samantekt um nýjustu tilkynningar.

Tilkynningar um uppfærslu á reglugerðabreytingum (m.a. um innflutningseftirlit) má finna á eftirfarandi stöðum:

- Í [Official Journal of the European Union](#) (EUR-Lex)
- Á heimasíðu JUST ([Directorate-General Health and Food quality](#)):
- Með innsendum tilkynningum frá MAST (tölvupóstur frá stjórnarsýslusviði), sbr:
 - Nýjar gerðir sem hafa verið birtar og settar á heimasíðu MAST
 - Simplified Procedure – (áframsendir póstur frá EFTA IMD Foodchain (foodchain@efta.int). Tölvupóstur ætlaðir „Working Group of the Food Chain“ – Veterinary Matters).

Safnmappa

Tafla 3. Efnisyfirlit yfir SAFNMÖPPU (SKRA-082).


SAFNMAPPA
<ol style="list-style-type: none"> 1. Tollur 2. Heilbrigðisvottorð 3. Landamæraastöðvar ESB 4. Landamæraastöðvar Íslands og Noregs 5. Geymslur 6. Landalistar 7. Traces 8. Vörur sem skal skoða 9. Öryggisráðstafanir 10. Eftirlitsáætlun 11. Vörunúmer/ tollkóðar 12. Vöru hafnað 13. Tengillóir 14. Samningar 15. Starfsstöðvar 16. Ýmislegt 17. CITES
INNFLUTNINGSEFTIRLIT

Ofangreindar tilkynningar eru oftast ný skjöl um öryggisákvæði og breytingar sem varða landamæraeftirlit, sem eiga að vera aðgengilegar hverri landamæraeftirlitsstöð. Safnmappa (**SKRA-082**, Tafla 3) er geymd í rafrænni útgáfu undir:

U:\A_Landamæraeftirlit\BIP-EFTIRLIT\Safnmappa

Safnmappan hefur sautján undirkafla eða flipa. Þar má finna nauðsynleg skjöl sem nota skal við innflutningseftirlit á eftirlitsskyldum afurðum, sem og hagnýtar upplýsingar t.d. um tengiliði eða þjónustuaðila sem tengjast rekstri á hverri landamæraeftirlitsstöð (**flipi 13**).

Innri úttekt landamæraeftirlitsstöðva

Innri úttekt á öllum landamæraastöðvum skal fara fram í lok hvers árs af starfsmanni inn- og útflutningsdeildar. Skoðun þessi skal framkvæmd skv. vinnulýsingu um rekstur landamæraastöðva (**VLÝ-086**) og nota skal gátlista um innri úttekt landamæraeftirlitsstöðva (**GAT-040**).

Skoða skal aðbúnað, tæki og tól á landamæraastöð samkvæmt öllum atriðum sem koma fram í gátlista (**GAT-040**). Starfsmaður athugar hvert atriði gátlistans gaumgæfilega og skráir hvort þau standist

skilyrði. Athugasemdir skal skrá eftir þörfum. Að lokinni skoðun er dagsetning skráð og gátlistinn undirritaður.

Geyma skal útfylltan gátlista í möppu á skrifstofu fagsviðsstjóra inn- og útflutningsdeildar með heitið „BCP – Innri úttektir (**SKRA-093**)“.

Útfylltir gátlistar eru skannaðir og vistaðir á slóðinni: U:\A_Landamæraeftirlit\BCP-EFTIRLIT\Skilvirkni_opinbers_eftirlits\10. Sannprófun aðferða\Árleg úttekt-Starfsemi og verklag á landamæraeftirlitsstöðvum.

Sannprófun eftirlits

Sannprófun á eftirliti með landamærastöðvum (verification of effectiveness) fer fram í lok hvers árs og felur í sér eftirfarandi:

- Samantekt á niðurstöðum úr innra eftirliti með landamærastöðvum (GAT-040)
- Sannprófun á skjalaskoðun
- Sannprófun auðkennisskoðunar
- Sannprófun heilnæmisskoðunar (þ.á.m. sannprófun sýnatökuáætlunar)

Fagsviðsstjóri tekur saman ársskýrslu þar sem fram koma annmarkar og dagsettar úrbótakröfur. Gerð er skýrsla um sannprófun eftirlits á landamærastöðvum vegna sendinga af:

- dýraafurðum:
 - „Sannprófun eftirlits á landamærastöðvum vegna POAO sendinga_CHED_ártal“
- matvælum og fóðri sem ekki eiga uppruna í dýraríkinu (PNAO) og um gilda sérstök innflutningsskilyrði:
 - „Sannprófun eftirlits á landamærastöðvum vegna PNAO sendinga_CHEDD_ártal“

Skýrslurnar eru vistaðar (undir viðeigandi ártali) á U-drifi á slóðinni:

- ➔ U:\A_Landamæraeftirlit\BCP-EFTIRLIT\Skilvirkni_opinbers_eftirlits\10. Sannprófun aðferða
n.t.t. í möppu sem ber heitið:
- ➔ „Árleg úttekt – Starfsemi og verklag á landamærastöðvum“, (undir viðeigandi ártali).

Innra eftirlit með landamærastöðvum er framkvæmt í samræmi við gátlista (GAT-040). Dagsettar úrbótakröfur eru teknar saman í Excelskjál „Árleg_úttekt_BIP“ sem vistað er á sama stað, og síðar færðar í skýrsluna um sannprófun eftirlits.

Ef þörf er á, skal skrifa bréf til eiganda húsnæðis með samantekt á atriðum sem þarfnast úrbóta varðandi húsnæðið.

Sannprófun á skjalaskoðun fer þannig fram að 1% sendinga eru valin af handahófi (c.a 17-20 random CHED) til endurskoðunar. Skjalaeftirlit með sendingunni er yfirfarið af eftirlitsmanni, öðrum en þeim sem upphaflega afgreiddi sendinguna. Skjölin eru yfirfarin, m.a. hvort heilbrigðisvottorði sé rétt útfyllt (og viðeigandi textar yfirstrikaðir) og hvort upplýsingar í vottorðinu séu í fullu samræmi við upplýsingar í Traces skjalinu (CHED).

Við sannprófun heilnæmisskoðunar þarf m.a. að kanna hvort sýnatökur hafa verið í samræmi þá við þá sýnatökuáætlun sem lagt var upp með, og eftir atvikum, í samræmi við skilgreinda tíðni sýnatöku í reglugerðum. Matið er lagt til grundvallar á nýrri sýnatökuáætlun.

Athugasemdir og annmarkar sem fram koma í sannprófun á skjala- og heilnæmiseftiliti eru færðar í skýrsluna um sannprófun eftirlits.

Yfirfara þarf sértaklega niðurstöðukaflann í skýrslu um sannprófun eftirlits frá fyrra ári og skoða hvort viðunandi úrbætur hafi verið gerðar á þar greindum annmörkum. Rýna þarf markmið sem ekki hafa gengið eftir og eftir atvikum, leggja fram nýja úrbótaáætlun.

Viðhald og kvörðun á tækjum

Í tengslum við úttekt landamæraeftirlitsstöðva skal halda skrá yfir kvörðun á tækjum sem notuð eru við heilnæmiseftirlit á landamæraeftirlitsstöðvum. Niðurstöður kvörðunar eru vistaðir í möppu: „BCP – Mælitæki (**SKRA-084**) og undir: U:\A_Landamæraeftirlit\BIP-EFTIRLIT\Skilvirkni opinbers_eftirlits\10. Sannprófun aðferða\Tæki-kvörðun og viðhald

Kröfur til hitamæla

Hitamæla skal prófa í samræmi við kvarðaðan hitamæli einu sinni á ári.

Viðbragð mælis þarf að vera slíkt að munur milli upprunalegs aflestrar og aflestur í vöru náist a.m.k. 90% innan þriggja mínútna.

Nákvæmni mælisins þarf að vera $\pm 0,5^\circ \text{C}$ á mælisviðinu -20°C til 30°C .

Aflestur mælisins þarf að hafa nákvæmni upp á $\pm 0,1^\circ \text{C}$.

Nákvæmni mælisins þarf að athuga reglulega.

Hitanemann þarf að vera hægt að hreinsa auðveldlega.

Hitaneminn þarf að vera af viðeigandi tegund/lögun, m.a. til þess að tryggja snertingu við vöruna.

Tilvísanir

- Reglugerð [EU 2019/1014](#) um ítarlegar reglur um lágmarkskröfur fyrir viðurkenningu á landamæraeftirlitsstöðvum sem annast m.a. dýraheilbrigðiseftirlit með afurðum sem eru fluttar inn í bandalagið frá þriðju löndum. Innleidd héraendis með reglugerð nr. [375/2020](#).
- EFTA Surveillance Authority Delegated Decision [008/19/COL](#) of 6 February 2019.
- Reglugerð [557/1993](#) um hraðfrost matvæli með síðari breytingum.
- Reglugerð [2017/625/EB](#) um opinbert eftirlit og aðra opinbera starfsemi með matvælum, fódri o.fl. Innleidd héraendis með reglugerð [234/2020](#).